

COMUN: I **sac dal ciomënt** vëgn indô partis fora de jená 2021 por dôt l'ann; por gauja dl coronavirus messunse indere inant ciaré da evité ch'al se formes ti porti di ofizi de comun codes de jënt che aspeta da ciáfé i sac; porchël é dúc dër bel invia da telefoné te comun 0474 524377 (ofize cutes - sign. David Costabiei) por fá fora n apuntamënt canch'ai pó jí a se tó i sac.

LUNGIARÜ

"La domënia ai 07.02.2021 vëgnel festejé le **De dla Vita**. En chësta ocasiun é la uniu dles ères che arjigna n placat cun i retrac di mituns y dles mitans nasciüs/des o batiá/batiades tratan le 2020. I periun dër bel i geniturs de chisc mituns/chëstes mitans de fá avëi a òna dles surastantes n retrat de so möt/süa möta cina ai 20.01.2021.

Uniu di Seniors tl SBB – Grup dl paisc da Lungiarü:

Resultat dles lites dl Consëi nü di 26/27.12.2020 por la perioda 2021-2023: Martin Clara (presidënt), Renate Tatz (sostituta), Iaco Clara, Aijus (cassier), Clemente Clara (scrivan), Monica Clara de Frëina (mëmber), Paola Clara de Vila (mëmber) y Reinhold Sorà (mëmber de dërt rapresentant dl SBB). N bel dilan a dúc chi che é stá sön lista y de cör dilan al Consëi da denant, dantadöt ala Annelies che é stada por 12 agn (4 legislatöres) a ce dla Uniu di Seniors da Lungiarü.

"Aste vëia da imparé n mistier nü?

Este interessé/ada da lauré cun seniors y/o porsones da n handicap?

Spo tol l'ocajiu y scriete ite a òna de chëstes formaziuns:

Formaziun a mez tēp por operadú/ëssa sozio-sanitar/a che vëgn tignida a Bornech

y formaziun a mez tēp por operadú/ëssa sozio-assistenzial/a che vëgn tignida a Porsenú

Les leziuns de teoria vëgn tignides 3 iadi al'edema danmisdé.

Les iscriziuns é davertes a porsones dai 25 agn insö cina ai 15 de forá 2021 pro la Scora por Laurs sozia "Hannah Arendt".

Formaziun a tēp plëgn por operadú/ëssa sozio-assistenzial/a y formaziun a tēp plëgn por operadú/ëssa sozio-sanitar/a che vëgn tignides sides a Porsenú co ince a Balsan y a Maran.

Les iscriziuns é davertes a porsones dai 17/18 agn insö cina ai 15 de forá 2021 pro la Scora por Laurs soziai "Hannah Arendt".

Por informaziuns plü avisa contatede la Scora por Laurs soziai "Hannah Arendt" por telefon 0471 973 494 te internet www.sozialberufe.berufschule.it

Liberalisaziun totala dl marcé dl' energia:

Por ti gní adincuntra a chi che messará se chirí dal 2021 inant n fornidú de eletrizité söl marcé lëde, é da pert dla SEA gnü tut la dezijiun da tó indô sò mëmbri nüs. Chisc á le vantaje da ciáfé le prisc dl'eletrizité cotan plü bas y ince n bun sorvisc. www.sea.bz.it info@pec.sea.bz.it 0474 524069



Plata dles Ploanies San Martin y Lungiarü



siur ploan Klaus Sottas 344 15 54 055 - klcottas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunite

17.01. - 24.01.21 nr. 8

2ª DOMËNIA ia por l'ann B

Vangele do Jan 1,35-42

Jan batiá tl Iordann y pro d'ël dui de sü discepu.

Canche Gejü é passé dan ia, à Jan ôt süa odlada sön ël y à dit:

Ciarede l'Agnel de Dì!

I dui discepu à aldi ci ch'al â dit, y ti é jüs do à Gejü.

Mo Gejü s'â ôt, y canch'al â odü ch'ai ti jô do, i àl damanè:

Ci orëise pa? Ai ti à dit: Rabbi - che ô di: maester -,

olâ abitëieste pa?

Al à respognü: Gnide y odede!

Dailò ési jüs impara

y à odü olach'al abità,

y é romagnüs chël dé pro d'ël;

al ê incër les cater domisdé....



San Jan Batista é cun dui de sü discepu pormez al Iordan.

Al passa Gejü dlungia ia.

Jan le vëiga y dij "Ciarede l'Agnel de Dì".

I dui discepu de Jan ti vá do a Gejü, dailó s'oj Gejü y i damana "Ci orëise pa?"

Ai ti dij "Olá staste pa?". "Olá este pa da ciasa?"

- Sc'an sá olache un é da ciasa,

spo vëgnon al savëi ince val' deplü de chël chestian –

Y insciö respogn Gejü "Gnide y ciarede!" Y chi dui vá impara.

Y de ci ch'ai é gnüs al savëi y de ci ch'ai á odü,

de chël cunta plü inant dôt le Vangele.

Ai é dessigü stá plü dî pro d'ël, zënza n'essi nia dît "I un odü le Messia"

Sot sot oress bëgn dōta la jënt conësce chël post olache cil y tera s'azica.

Insciö invieia Gejü "Gnide y ciarede instësc!"

Al é l'invit da jí olach'al á instës so daciasa.

EDEMA	SAN MARTIN	LUNGIARÜ	En recordanza de frater Martin Ploner da Ju
17.01.2021 2^a DOMËNIA - Ann B <i>Sant Antone abat</i>	9.00 Corona 9.30 Gran Mëssa por la comunité ++ siur A. Morlang y siur M. Graffonara vis y def. fam. Giovanni Rubatscher + Giovanni Videsott, Cir	7.55 Corona 8.15 Gran Mëssa por la Comunité	Frater Martin Ploner é nasciü sö Ju, sö dal Feur, ai 6.1.1929. A scora él jü a San Martin. Al ê n môt dër ví y busiënt dala buna löna y ê gonot ala pert da fã matades. Dedô él jü a fã la scora d'ert ia en Gherdëna. Al á spo imparé tistler sön Badia pro chi Damez. Mo te so daite metô man na usc da ne ti lascé plü degöna pêsc, chël Signur, a chël che al ti â dagnora porté amur y respet bele da pice insö, le cherdâ da lascé döt y ti jí do. Insciö él jü tl 1951 a tlocoré pro porta dla Ciasa dles Misciuns dl Cör de Gejú a Porsenú, perian da gni tut sö pro i Misconars Combonians. L'ann 1955 ál spo dé jö la profesciun por la vita da miscionar. Dal 1955 al 1960 ál lauré a Ellwangen (D), dal 1960 al 1982 a Palencia (ESP), dal 1983 al 1984 a Mellaz (D) y dal 1984 inant a Usila y San Fransisco Del Rincon (Mexico). Martin â tröc talënc y süa buna man ogâ indlunch. Al laurâ tla campagna, te stala, te ciasadafüch y da tistler cina ch'al é sté bun. Al â na gran ligrëza cun le fabriché; ma canche la monëda ê rovada se tolôl dlaure la da gni a ciasa en "urlaub" y pornanch'al â les gofes indô n pü' ciariades ite, êl indô da jí a lauré inant. La fondamënta sterscia de süa vita ê la fede, mëssa y oraziun fajô pert de süa vita da vignidé. Al ê na porsona scëmpla y de bun cör, che dê ca döt por i atri y ne sconâ nia, gnanca la sanité. Tl Messico él gnü metü da jí a cialfé i püri y amará y a vijité i emarginá. Cün sües vijites portâl fora ala jënt ince la buna noela, y chësc ê por êl n gran onur. Do che la sanité ne le daidâ nia plü – al â messü se lascé amputé na iama - âl metü man da scrí tröpes lëtres por ne perde nia le contat cun la jënt. En domënia dadoman, ai 10 de jená, á le Signur cherdé so "fant fedel" ia da d'ël. Dilan, Signur, de nosc fre Martin, ch'i un conesciü sciöche porsona de bun cör, dagnora dala buna löna, plëgn de entusiasm y generosité te süa vocaziun da miscionar. R.I.P. -
18.01.21 Lönesc <i>Regina, Prisca</i>	<i>Edema de oraziun por la unité di cristians (18-25 de jená)</i>	<i>Edema de oraziun por la unité di cristians (18-25 de jená)</i>	
19.01.21 Dedolönesc <i>Marius, Heinrich</i>	19.00 Mëssa + suor Iustina Pescollderungg + Fonjo Verginer (dl ann)		
20.01.21 Dedemesaledema <i>Fabian, Bostian</i>	15.00 Mëssa a Picolin en onur de San Bostian por les families de Frida Videsott <i>Incö metunse man la novëna a Sant Ojöp Freinademetz</i>	7.30 Mëssa + Lidwina Costa in Clara dl ann + Veronica Costa <i>Incö metunse man la novëna a Sant Ojöp Freinademetz</i>	
21.01.21 Jöbia <i>Agnes, Ines, Meinrad</i>	7.30 Mëssa dl ann + Mariangel Tavella + Pepi Dejaco, Larjëi + Teodolinda Mühlmann Corona por vocaziuns		
22.01.21 Vëndres <i>Vinzenz, Teodolinda</i>	18.30 Adoraziun chîta 19.00 Adoraziun deboriada	7.30 Mëssa + Franz Frenademetz + Serafin y Emma Clara	
23.01.21 Sabeda <i>Heinrich Seuse, Eugen</i>	17.30 Mëssa prefestia fam. de Peter y Katja Videsott dl ann + Pire Tavella, Cëch dl ann + Sepl Flöss, d'Arzó ++ Alfred y Erica Videsott	19.00 Mëssa prefestia ++ Zilia Daporta y Franz Pezzei, Ghestan de reng. fam. Franz y Fefa dl Caïser	
24.01.2021 3^a DOMËNIA - Ann B DOMËNIA DLA BIBLA	9.00 Corona por + fr. Martin Ploner 9.30 Gran Mëssa por la comunité + frater Martin Ploner dl ann + Pire Unterweger	7.55 Corona 8.15 Gran Mëssa por la Comunité	